

欽定滿洲源流考

40400  
34  
4



卷十一  
之十一



欽定滿洲源流考卷十



疆域

渤海國境

新唐書渤海本粟末靺鞨保挹婁之東牟山

按東牟山史志皆言在瀋陽城東二十里今天柱山也舊唐書作桂婁與此異

直營州東二千里以泥河為境

按元一統志引契丹地理

志云浪水即古泥河也自東逆流數百里至遼陽潴蓄不流有葦芋草生於泊中故名葦芋泊明一統志從之又以朝鮮大通江為浪水考盛京通志泥河在瀋陽城縣西南六十五里蓋平縣北五十五里源出聖水山流至米真山西散漫為遼時之葦芋泊與朝鮮界內

欽定滿洲源流考

卷十

疆域

之浪江不同也

東窮海西契丹築城郭以居萬歲通

天中度遼水保太白山之東北阻奧婁河樹

壁白固

按太白即長白奧婁河當為阿魯河源出吉林安班和托峯一西南流入

哈達河一流至開原城東南入清河是時契丹李盡忠殺營州都督趙文懿故渤海退保

於此後乃建國地方五千里戶十餘萬盡得夫

餘沃沮弁韓

俱另條見前

朝鮮海北諸國有五京

十五府六十二州

通考渤海國王大武藝斤大土宇東北諸國

畏臣之



遼史渤海王大仁秀南定新羅

另條見前

北略諸

部開置郡邑

遼史渤海大氏始保挹婁東牟山武后時為

契丹盡忠所逼有乞乞仲象者度遼水自固

傳子祚榮建都邑併吞海北地方五千里中

宗賜所都為忽汗州封渤海郡王十有二世

至夔震稱號改元建宮闕有五京十五府六

十二州為遼東盛國

按遼史所稱凡渤海拓地改元及五京十五府

六十二州之建皆自國王夔震始据唐書及通考國王大祚榮已謚高王祚榮子武藝

欽定滿洲源流考

卷十

疆域

二

已改元仁安武藝子欽茂已徙上京又徙東京自大祚榮以後無不稱號改元者遼史所云未得其實

元史遼陽路唐以前為渤海所有

忽汗州 忽汗城

新唐書睿宗先天中拜大祚榮為渤海郡王

以所統為忽汗州領忽汗州都督

唐賈耽道里紀渡遼水至安東都護府五百

里府故漢襄平城也

按安東都護府本在平壤儀鳳初移此

南至平壤城八百里西南至都里海口六百



里至建安城三百里故平郭縣也南至鴨綠

江北泊沟城七百里故安平縣也自都護府

東北經渤海長嶺府見後千五百里至渤海王

城城臨忽汗海其西南三十里有古肅慎城

其北經德理鎮按此即唐會要所云德理府也渤海無德理府之名此作

鎮為是至南黑水靺鞨千里按此為營州陸行至渤海之路渤海

大祚榮所都在長白山東北大欽茂又東徙

三百里直忽汗河之東今寧古塔呼爾哈河

也呼爾哈河匯於寧古塔城西南一百里之

畢爾騰湖湖廣五六里袤七十里許中有三

山即所謂忽汗海也又自發庫東繞寧古塔

城旁古大城之南東北流與混同江合明一

欽定滿洲源流考

卷十

疆域

三

統志稱呼里改江出建州衛東南山下東北  
匯為鏡泊又北入混同江呼里改即呼爾哈  
鏡泊即畢爾騰湖之異名也德林石在其北  
即德理鎮所在也然則渤海上海京及忽汗城  
實在寧古塔城旁其後國王世襲忽汗州  
都督之號凡五京皆有忽汗州之稱矣

唐賈耽道里紀登州北海行至鴨綠江口

舟行百餘里又小舫泝流三十里至泊沟口

得渤海之境又自顯州見後正北如東六百里

至渤海王城按此為登州海行至渤海王城之路

五代會要唐中宗命侍御史張行岌往渤海

宣慰號其都為忽汗州



遼史忽汗州故平壤城也號中京顯德府太

祖攻渤海拔忽汗城俘其王大誣誤以為東

丹王國按通考平壤城即漢樂浪郡王險城自慕容皝來伐後徙都此城亦曰長

安城南臨浪水平壤城東北有魯陽山西南

二十里有葦山考之圖志皆合實在今朝鮮

境內高麗圖經亦云平壤城在鴨綠水東南

顯德府在今遼陽以北忽汗州非平壤城亦

非顯德府遼史俱誤渤海王于天寶末徙上

京貞元時徙東京未幾仍還上京天寶中又

曾都顯州蓋既設五京則隨時移駐史固

不能詳而當中京破時國王適在彼耳

遼史天顯元年正月丙寅夜圍忽汗城庚午

駐軍於忽汗城二月丙午改渤海為東丹忽

欽定滿洲源流考

卷十

疆域

汗城為天福冊皇太子貝為人皇王以主之

按遼史所稱忽汗城皆渤海中京顯德府城為今遼陽非上京之忽汗城也

上京 龍泉府

新唐書以肅慎故地為上京曰龍泉府領龍

湖渤三州

通考天寶末渤海王大欽茂徙上京直舊國

三百里忽汗河之東按渤海舊國在長白山東北今又東徙三百里

在呼爾哈河之東實與今寧古塔城相近呼爾哈河源出吉林界色齊窩集中諸河匯為

一大河東注鏡泊又東出繞寧古塔城旁古大城及覺羅城之南復東北折入混同江唐



賈耽所云渤海王城臨忽汗海者蓋卽鏡泊  
盛京通志寧古塔城旁古大城或卽上京

舊址  
歟

遼史 上京懷州夫餘縣本龍泉府太祖遷夫

餘降戶於此世宗置縣 按遼史此條殊誤懷

州太宗行帳放牧於此天贊中從太祖破夫

餘城下龍泉府俘其人築寨居之太宗懷陵

在焉故州軍以是為名歸誠州為唐契丹羈

龍州

遼史 太祖破龍州盡徙富利縣人散居京南

欽定滿洲源流考

卷十

疆域

五

長霸縣本龍州長平縣民遷於此 按龍州所

屬縣名僅

見富利長平二縣餘無可考又按契丹與渤

海攻戰次第具載太祖本紀太祖天贊二年

十二月出兵先破夫餘府次至中京顯德府

是時渤海王適在中京故為所獲太祖入城

祭告天地復還軍中二月安邊鄭頡南海定

理府降三月己巳安邊鄭頡定理府復叛丁

丑三月平乙酉班師五月南海定理二府復

叛七月顯德府之鐵州亦叛大元帥平之是

月太祖還次夫餘府又自三月遣將攻長嶺

府八月始下並未嘗遠及龍州而渤海仍自

為國迄於遼末猶存龍州之破僅於此見之

或率兵至此俘掠人口而還不能有其地也

高麗載紀初契丹以鴨綠江北地予高麗高

麗築六城有龍州城 按遼史外紀云契丹取

女真國鴨綠江東數百



里賜高麗是鴨綠江東北地皆與高麗故得於龍州築城後復爲女真所取今考自鏡泊至朝鮮界約五百里則與渤海之龍州當不甚遠蓋遼太祖破龍州遷其人而空其地以子高麗也

湖州

遼史東京湖州興利軍渤海置

渤海

遼史渤海清化軍渤海置貢珍縣亦渤海置

按遼地志云遼以征伐俘戶建州襟要之地多因舊居名之故渤海州縣遼移其名於他所者十之五六如建州在長白山而遼移之廣寧西北其明證也遼志中稍爲分別者如

欽定滿洲源流考

卷十

疆域

六

曰某州本渤海某州民戶則爲遼所移曰某州渤海置則似仍渤海之舊然如遼史稱集州高麗爲霜巖縣渤海置州今考霜巖縣屬盧州無集州之名則史文固有疎畧也

中京 顯德府

新唐書上京之南爲中京曰顯德府領盧顯

鐵湯榮興六州

按顯德府所屬西至醫巫閭山當在上京之西南

遼史渤海中京顯德府天顯三年升爲南京

十三年改南京爲東京府曰遼陽統縣九遼

陽縣本渤海金德縣地漢沮水縣高麗爲句

麗縣渤海爲常樂縣

按沮水縣漢屬東樂浪郡渤海鳴綠府所屬之



泃水縣是也遼志誤 仙鄉縣本漢遼隊縣地渤海為永

豐縣鶴野縣本漢居就縣地渤海為雞山縣

興遼縣本漢平郭縣地渤海為長寧縣 按顯德府

屬縣遼志沿革具存今附錄如上又有析木紫蒙二縣遼屬遼陽府而渤海分屬銅州蒙州今各附本條又肅慎歸仁順化三縣則遼所自置非渤海之舊遼永州之長寧縣又遷長寧民所置亦非舊地也

鴨江行部誌廣寧本陽羅郡渤海為顯德府

按廣寧東北界渤海屬東平府其西南之境為顯德府屬

明一統志遼隊廢縣在海州衛西六十里渤

欽定滿洲源流考

卷十

疆域

七

海曰永豐縣遼改仙鄉縣鶴野廢縣在遼東

都司城西八十里渤海為雞山縣元省入遼

按明志顯德屬縣僅載此二邑今考常樂陽故縣在遼陽城內長寧縣在遼陽西南蓋平之東永豐縣在海城縣西六十里遼水東岸明時有永豐堡亦在海城縣西南六十里也

盧州

遼史東京盧州本渤海杉盧郡 按杉盧郡即渤海之盧州

顯德府之支郡也 故縣五山陽杉盧漢陽白巖霜巖

皆廢戶三百在京東一百三十里統縣一熊



岳縣西至海十五里傍海有熊岳山

按遼盧州所治

為熊岳縣今熊岳城也金廢州以熊岳屬蓋州渤海盧州所屬五縣至遼止三百戶故但治熊岳一縣已非渤海之舊矣

遼史東京巖州白巖軍本渤海白巖城太宗

撥屬瀋州白巖縣渤海置

按唐太宗貞觀十九年伐高麗既得

遼州進軍白巖城克之置巖州後屬渤海白巖縣當即其地今考巖州古城在遼陽州城東北五十七里石城山上周圍四里一門又遼營衛志云敦睦宮以渤海巖州戶置是渤海亦有巖州之稱蓋隨時移置而史不能詳也

顯州

欽定滿洲源流考

卷十

疆域

八

唐賈耽道里紀自神州

見後

陸行四百里至顯

州天寶中王所都

按顯州為王都當為顯德府附郭之州今次於盧州

之後疑史有誤

遼史東京顯州本渤海顯德府地世宗置以

奉顯陵州在醫巫閭山東南

按渤海顯州實今遼陽州地遼

之顯州不言渤海所置然亦係顯德府之地

松漠紀聞廣州

見後

百三十里至梁漁務又八

十五里至沙河五十里至顯州

鐵州



五代史自錦州行五六日過海北州又行十

餘日渡遼水至渤海鐵州又行七八日過南

海府按此為晉侯入契丹所行之途一南一北故迂其程未足為憑也

遼史鐵州本漢安市縣地高麗為安市城唐

太宗攻之不下薛仁貴白衣登城即此渤海

置州故縣四位城河端蒼山龍珍皆廢戶一

千在京西南六十里按明一統志安市城在蓋州衛東北七十里唐

貞觀十九年征高麗攻安市城不克引還咸

亨三年高侃擊敗高麗餘眾於安市城渤海

置鐵州即此地志安市城外有駐蹕山考駐

蹕山凡數處一為首山唐書稱馬首山遼史

欽定滿洲源流考

卷十

疆域

九

稱手山在遼陽城西南十五里接海城縣界

唐太宗初渡遼水攻遼州時駐營之山也一

在安市城外唐太宗既得遼州巖州進攻安

市所駐之山唐書所載駐蹕山是也又蓋平

東百十餘里分水嶺諸山亦傳唐太宗駐蹕

處又有駐蹕山本名六山則醫巫閭也又海

城縣西南十里有平山一名車駕山又名

唐望山亦相傳唐太宗駐蹕處而首山與安

市城外之駐蹕山地志領縣一湯池按今蓋

多混為一山附考於此

北六十里有湯池堡

當即湯池縣遺址也

遼史天顯元年七月鐵州刺史衛鈞反大元

帥耀庫濟攻拔之

鴨江行部志湯池縣本遼時鐵州以其東有



鐵嶺故名按明一統志載初置鐵嶺衛在今鐵嶺城東南五百餘里故鐵嶺城與高麗接界洪武二十六年方移其名於今治所則鐵嶺之名實本於此金廢鐵州以湯池屬蓋州

### 湯州

遼史東京湯州本漢襄平縣地故縣五靈峯

常豐白石均谷嘉利皆廢戶五百在京西北

一百里

按遼史雖未言渤海所置然所屬故縣皆渤海縣名其為即渤海之湯州

無疑明志湯州故城在遼東都司城北

遼史東京乾州靈山縣本渤海靈峯縣地

按乾

## 欽定滿洲源流考

### 卷十

疆域

十

州為漢無慮縣地無慮本因醫巫閭山得名則靈峯當亦相近

金史北京懿州靈山縣本渤海靈峯縣地

按遼

亦有懿州而靈山則屬乾州考明一統志乾州在廣寧衛西南七里懿州在廣寧衛北二百二十里蓋金時廢乾州而以靈山縣移隸懿州也

### 榮州

遼史東京所屬有榮州

原文不載沿革蓋作史時已無可考然遼

東京有崇州為渤海所置所統縣各亦係渤海之舊而新唐書不載史云在東京東北一百五十里與鐵湯等州相近遼史本文亦與湯興二州相次疑即榮州以字形相近而誤又復出也今詳於後



興州

遼史興州本漢海宜縣地渤海置州故縣三盛吉蒜山鐵山皆廢戶二百在京西南三百

里按明人地志有以興州為鐵嶺縣之懿路城者考金志云瀋州挹婁縣遼舊興州常安縣懿路即挹婁之訛也則遼之興州始實移於挹婁後乃復渤海之舊又遼志云遼陽府東西南三面皆抱海南至海邊鐵山八百里今考鐵山在寧海西南百五十里為濱海要地興州所統縣名或取此歟

松漠紀聞銀州南鋪五十里至興州四十里

至蒲河按遼銀州即渤海富州今鐵嶺縣蒲河源出承德西北四十里

欽定滿洲源流考

卷十

疆域

十一

東京 龍原府

新唐書滅故地為東京曰龍原府亦曰柵城府領慶鹽穆賀四州

新唐書龍原東南瀕海日本道也

通考唐貞元時渤海王大欽茂東南徙東京

遼史東京開州本滅地渤海為東京龍原府

有宮殿都督慶鹽穆賀四州故縣六曰龍原

永安烏山壁谷熊山白楊疊石為城周二十

里唐薛仁貴征高麗與其大將溫沙門戰熊



山擒善射者於石城卽此太祖平渤海徙其

民城遂廢聖宗伐新羅按聖宗曾伐高麗此言新羅誤還周

覽城基復加完葺領縣一開遠縣本柵城地

高麗爲龍原縣渤海因之按一統志開州城在朝鮮咸興府西

北熊山城在開州西蓋白鳳凰城邊外東南至朝鮮之江原道皆濊地又鳳凰城北六十餘或卽渤海石城遺址歟

### 慶州

遼史東京開州高麗置慶州渤海爲龍原府

上京永安縣本龍原府慶州縣名太祖平渤

## 欽定滿洲源流考

### 卷十

疆域

十一

海遷其人置寨於此按一統志開州遼末復入于高麗謂之蜀莫郡

開遠廢縣故開州治也渤海爲龍原縣慶州治焉則慶州爲龍原府附郭之州而龍原縣爲附郭之縣永安烏山壁谷熊山白楊五縣亦爲慶州所屬明矣非朝鮮慶尚道之慶州也又金有慶州係遼懷州祖州之地亦與此異

### 鹽州

遼史東京鹽州本渤海龍河郡故縣四海陽

接海格川舊訛格州今據一統志改龍和皆廢隸開州相

去一百四十里按一統志鹽州城在朝鮮開州城西北本渤海置亦曰龍

河郡



穆州

遼史東京穆州本渤海會農郡故縣四會農

水岐順化美縣皆廢隸開州東北至開州一

百二十里統縣一曰會農

按一統志穆州亦在今朝鮮境開州

南西

賀州

遼史東京賀州本渤海吉理郡故縣四洪賀

送誠吉理石山皆廢戶三百隸開州

按一統志賀州

城遼未入於朝鮮吉理與吉林音相近然吉林屬渤海東京此為渤海東京所屬地也

欽定滿洲源流考

卷十

疆域

三

南京 南海府

新唐書沃沮故地為南京曰南海府領沃疇

椒三州

新唐書南海新羅道也

遼史東京海州南海軍本沃沮國地渤海號

南京南海府疊石為城幅員九里都督沃疇

椒三州故縣六沃沮鷺巖龍山濱海昇平靈

泉皆廢

按沃州為南海府附郭則沃沮亦附郭邑也鷺巖當即岫巖城在今蓋平

縣東二百五十里



遼史天顯元年三月渤海南海府節度來朝  
五月南海府復叛遣大元帥耀庫濟討之

舊五代史自鐵州行七八日至南海府

元一統志澄州本海州南海府沃沮地高麗  
時卑沙城唐李勣攻卑沙城即此渤海為南

海府遼仍之金改曰海州天德三年以山東

有海州改為澄州治臨溟縣按金史不詳沿革今從元一統

志

明一統志海州衛在遼東都司城南一百二

欽定滿洲源流考

卷十

疆域

十四

十里本盖牟地高麗為沙卑城渤海國為南

海府遼為海州治臨溟縣金為澄州按沙卑城亦曰

卑沙或訛為卑奢城隋大業十年來護兒出

海道至卑奢城敗高麗兵將趨平壤高麗降

唐貞觀十八年伐高麗張亮率舟師自東萊

渡海襲卑沙城其城四面懸絕惟西門可上

沃州

唐兵攻拔之總章初李勣復得其城後入渤

海元時州縣俱廢明洪武九年改築衛城周  
六里有奇今為海城縣

新唐書契丹州十七沃州載初中析昌州置

萬歲通天元年沒於契丹李盡忠縣一濱海



又昌州貞觀二年以松漠部落置僑治營之

靜蕃戍縣一龍山

按此為渤海沃州及濱海龍山二縣得名之自其實

唐沃州故地在今喀喇沁境內古大寧城北蓋渤海移其州縣名於沃沮故地也沃州為南海附郭之州則沃沮鷺岩龍山濱海昇平靈泉等六縣皆沃州所屬

### 晴州

〔遼史〕孺州本渤海晴州故縣五天晴神陽蓮

池狼山仙巖皆廢戶五百隸海州東南至海

州一百二十里

按海城西南有蓮花泊或即蓮池故縣所屬

### 椒州

## 欽定滿洲源流考

### 卷十

#### 疆域

### 五

〔遼史〕耀州本渤海椒州故縣五椒山貂嶺漸

泉尖山巖淵皆廢戶七百隸海州東北至海

州二百里統縣一巖淵縣東界新羅故平壤

城在縣西南東北至海州一百二十里

按遼之耀

州即渤海椒州故縣五皆廢巖淵雖仍舊名似亦稍移其治矣據史所稱耀州在海州西南二百里巖淵在海州西南一百二十里海州為今海城地耀州今有耀州和屯按之輿圖皆合惟是遼史稱故平壤城又在巖淵西南實為舛誤據通考遼水東南四百八十里至鴨綠水平壤又在鴨綠水東南四百八十里安得反在巖淵西南也原其致誤亦自有由蓋平壤南臨沮水而海城西南有淤泥河亦有沮水之稱此遼史之誤所由來然遼史



既以顯德府為忽汗州又以忽汗州為即平壤城而此又謂平壤在巖淵西南亦自相矛盾之甚矣又今耀州城在海城縣西南僅六十里里數與遼史不符考明一統志臨溟廢縣在海州衛東一百八十里為故海州所治元時州縣並廢則係明設衛時移近西南百八十里耳今海城縣治實在明海州衛舊址本朝天命八年復即舊城東南隅建新城

明一統志廢耀州在海州西南二百里渤海

椒州地

西京 鴨綠府

新唐書高麗故地為西京曰鴨綠府領神桓

豐正四州

欽定滿洲源流考

卷十

疆域

十六

新唐書鴨綠朝鮮道也

朝鮮舊訛朝貢今據通考改

遼史涿州鴨綠軍本高麗故國渤海號西京

鴨綠府城高三丈廣輪二十里都督神桓豐

正四州事故縣三神鹿神化劍門皆廢大延

琳叛遷餘黨於上京置易俗縣居之在者戶

二千

按涿州城在平壤西境因鴨綠江為名也鴨綠江之綠北史新唐書遼史俱作涿

遼史太祖破鴨綠府盡徙神化縣民居京之

南



神州

唐賈耽道里紀自鴨綠江口舟行百餘里又

小舫泝流東北三十里至泊沟口得渤海之

境又泝流五百里至九都縣見後城故高麗王

都又東北泝流二百里至神州按據此則神州在鴨綠江

口東北泝流八百里九都縣東北二百里與遼史所言桓州在涿州西南二百里者合則

九都為桓州附郭之邑而神州即鴨綠府附郭之州也

桓州

遼史桓州高麗中都城故縣三桓都神鄉泝

欽定滿洲源流考

卷十

疆域

十七

水原作淇水誤今據一統志改皆廢高麗王於此創立宮

闕國人謂之新國五世孫釗晉康帝建元初

為慕容皝所敗宮室焚蕩戶七百隸涿州在

西南二百里按通考漢末高麗王伊夷模作新國於九都山下即所謂九都

城也魏正始五年毋丘儉將萬人出元菟懸車束馬登九都山屠其所都六年儉復伐之

刻石紀功刊九都銘不耐而還至晉建元初復為慕容皝乘勝追至九都焚其宮室自後

移都平壤城則桓都即九都也桓州之名亦取諸此今考九都故城在高麗王京東北賈

耽紀言在神州西南二百里鴨綠江口東北六百餘里與此正合泝水今朝鮮大通江漢

樂浪郡有泝水縣此蓋仍其舊名也



豐州

遼史豐州渤海置盤安郡故縣四安豐渤恪  
隰瓌硤石皆廢戶三百隸涿州在東北二百  
十里

正州

遼史正州本沸流王故地國為公孫康所併  
渤海置沸流郡有沸流水戶五百隸涿州在  
西北三百八十里統縣一東那縣本漢東耐

縣地在州西七十里

按通考魏正始五年幽  
州刺史母丘儉出元菟

欽定滿洲源流考

卷十

疆域

六

討高麗戰於沸流高麗王位宮敗走儉追至  
楸峴登朶都山屠其所都則沸流固應與桓  
都相近亦今朝鮮境內地又按漢時無東耐  
縣名惟樂浪郡有東曉不而兩縣不而城在  
朝鮮咸興府而與耐古字相通魏志云漢武  
置樂浪郡自單大嶺以西屬樂浪自嶺以東  
都尉主之皆以濊為民所謂不耐濊也母丘  
儉銘不耐城卽此今遼史作漢東耐似誤

謹按渤海為遼東盛國地方五千里有五京  
十五府六十二州契丹兵爭舊址漸毀其州  
縣之名藉遼史地理志存其梗概而或地併  
於隣州或名移於他所遼以征伐所得人戶  
建城置戍卽因其人舊居州縣之名名之遼



志所載已十之五所未載者按其方位尚可  
討尋五京之地遼並隸東京其他或予高麗  
或尚爲渤海遺民所保而府州之名盡載遼  
籍有經遼時更置者自應屬遼有僅列其名  
而史不能稽其沿革者當亦羈縻州之比未  
能實有其地也金興省併州邑因時制宜元  
亦多仍部族之舊州縣之設簡矣因流溯源  
參之他書亦可得其分合之故焉有因傳寫  
字訛者如九都桓都浪水淇水之類有與高

欽定滿洲源流考

卷十

疆域

九

麗同名者夫餘慶州之類至於元明沿革及  
我

朝所隸並附注於下約其大概上京在寧古塔  
中京在遼陽東京在朝鮮開州南京在海城  
縣西京濱鴨綠江五京五府而外長嶺夫餘  
等十府及郅銅等州並詳列於後云

長嶺府

新唐書長嶺府領瑕河二州

按瑕州無考當  
爲附郭之州遼

廢



新唐書長嶺營州道也

遼史東京長嶺府

原文不詳沿革之中當即仍渤海之舊

遼史本紀太祖天顯元年遣康默記韓延徽

攻長嶺府八月下長嶺府

按長嶺亦作長領古字相通今吉林

西南五百里有長嶺子滿洲語稱果勒敏珠敦南接納魯窩集北接庫呼訥窩集自長白山南一嶺環繞至此為眾水分流之地東北流為遼吉善輝發等河入混同江西北流為英峩占尼哈達葉赫爾蘇等河長嶺府之名當取諸此錦州復州雖亦有長嶺皆不如此之最著也

河州

欽定滿洲源流考

卷十

疆域

二十

遼史河州德化軍置軍器坊

按明人地志云廢河州在黃龍

府北遼置河州有軍器坊又引一統志開元東北五百里有穩圖河源出坊州北山北流入松花江所謂坊州疑即河州矣考遼金無坊州第因河州有軍器坊而遂以坊州屬之亦恐未足為憑也

夫餘府

新唐書夫餘故地為夫餘府常屯勁兵捍契

丹領扶仙二州

新唐書夫餘契丹道也

遼史東京龍州黃龍府本渤海夫餘府太祖



平渤海還至此有黃龍見更名保寧七年軍  
將燕頗叛府廢開泰九年遷城於東北所屬  
黃龍縣本渤海長平縣併富利佐慕肅慎置  
遷民縣本渤海永寧縣併豐水扶羅置永平  
縣渤海置

遼史東京通州安遠軍本夫餘國王城渤海  
號夫餘城太祖改龍州聖宗更今名保寧七  
年以黃龍府叛人燕頗餘黨置所屬通遠縣  
本渤海夫餘縣併布多縣置安遠縣本渤海

欽定滿洲源流考

卷十

疆域

三

顯義縣併鵲川縣置歸仁縣本渤海強師縣

按金史渤海強師縣北有細河併新安縣置漁谷縣本渤海

縣按夫餘府地鄰契丹遼改黃龍府在今開

原縣及開原邊外之境扶仙二州遼時俱

廢扶州即因夫餘得名當為附郭所屬縣名

見於遼史屬龍州者八屬通州者六當即扶

仙二州所隸第遼史既言改夫餘府為龍州

又言改龍州為通州而所置諸縣或沿或併

尚仍其舊史有訛誤疑遼之龍州其地本廣

因燕頗之役舊治已廢開泰中移黃龍府於

東北又分置通州也黃龍府所屬長平等縣

為扶州屬邑通州所屬夫餘等縣即為仙州

屬縣也又按渤海夫餘府與契丹為鄰未能

過開原以北遼之黃龍府境又稍廣舊五代

史言北至混同江僅百里則又

遼史遷府於東北之明證也



遼史太祖天贊四年十二月丁巳夜圍夫餘  
府天顯元年正月拔之

舊五代史後唐天成元年十一月登州狀申  
契丹攻逼渤海自契丹主卒雖已抽退尚留  
兵馬在夫餘城今渤海王弟領兵攻圍夫餘  
城契丹

新五代史後唐明宗時契丹攻渤海取夫餘  
一城以爲東丹國

宋史後唐天成初契丹攻夫餘城下之攻夫  
餘爲東丹府留其子托雲鎮之契丹主卒渤  
海王復攻夫餘不能克

欽定滿洲源流考

卷十

疆域

三

宋史太宗太平興國四年賜烏舍城浮渝府  
渤海琚府王詔令助攻契丹

按浮渝當卽夫餘以音近而訛

宋與渤海隔絕蓋傳聞舛誤之辭

通考宋太平興國六年定安國王烏元明言  
臣本渤海遺黎保據方隅不降契丹夫餘府  
昨背契丹並歸本國

案烏氏爲渤海大姓夫餘復歸事遼史未載

鄭頡府



新唐書鄭頡府領鄭高二州

鄭州諸書未見當卽附郭之柳

河縣地也

遼史東京韓州本橐離國舊治柳河縣高麗

置鄭頡府都督鄭頡二州渤海因之

按渤海州名係

鄭高此云鄭頡疑遼史之誤

今廢太宗置三河榆河二州

聖宗併二州置柳河縣本渤海粵喜縣併萬

安縣置

柳河詳見前鞞鞞條榆河在科爾沁右翼前旗遼河在左翼東南四百五

十里經左翼後旗入邊又左翼東南四百七

十里有阿勒瑪圖城近開原邊外當卽遼韓州故城也

欽定滿洲源流考

卷十

疆域

三

遼史天顯元年二月鄭頡府節度來朝三月

鄭頡府叛遣阿敦討平之

金史東京韓州本渤海鄭頡府

高州

遼史上京遂州本高州地西北至上京一千

里

按遼中京別有高州此遂州屬上京與鳳州相鄰鳳州亦橐離國地在韓州北二百

里西北至上京九百里遂州西北至上京千

里則與韓州相去止百里此高州卽渤海高

州之明證也若中京之高州則唐時信州之

地遼聖宗伐高麗以俘戶置在今喀喇沁非

渤海之高州也元一

統志所稱高州卽此



安寧郡

遼史 上京鳳州橐離國故地渤海之安寧郡  
境在韓州北二百里西北至上京九百里  
鳳按  
州與韓州相鄰皆橐離故地此安寧郡當為鄭頡府之支郡今附于此

定理府

新唐書 挹婁故地為定理府領定潘二州  
按  
字遼史作潘  
當係此誤

遼史 東京定理府刺史故挹婁國地

遼史 瀋州挹婁縣遼嘗置定理府刺史於此

欽定滿洲源流考

卷十

疆域

三

本挹婁故地大定二十九年章宗更名有范

河清河 按范河清河俱在今鐵嶺縣城南遼定理府刺史之置及定州之廢史文闕畧不詳以金史參考之金鐵嶺一縣近南者為金之挹婁縣則定理府所統而渤海定州安定郡所治也近西者為雙城縣則遼雙州所統也遼始置定理府子挹婁縣繼則省刺史廢定州為雙州與瀋州不復相屬金又廢雙州併雙城入瀋州尚可考見渤海之舊耳

遼史 天顯元年二月定理府節度來朝三月  
定理府叛遣阿敦討平之五月定理府復叛  
大元帥耀庫濟討之



定州

遼史東京雙州保安軍本挹婁故地渤海置

安定郡統縣一雙城縣本渤海安夷縣地按

海屬州亦有支郡之稱如盧州為杉盧郡穆州為會農郡是也此安定郡為挹婁故地當即定州地遼東京又別有定州不言渤海所置在今朝鮮之平安道五代以前亦屬渤海後高麗復取之至遼聖宗開泰三年伐高麗取其保定二州保州在平壤西北百餘里金初割還朝鮮今安州是也定州在平壤西北三百餘里遼末亦入朝鮮今仍為定州與渤海瀋州隔西京鴨綠府名是而地非也雙城故縣在鐵嶺西六十里金時州廢以縣屬瀋州

欽定滿洲源流考

卷十

疆域

三五

瀋州

遼史瀋州本挹婁國地渤海建瀋州故縣九

皆廢統州一縣二按州一為巖州白巖軍本渤海盧州所屬之白巖縣

遼太宗撥屬瀋州樂郊靈源二縣則遼太祖所置亦非渤海舊名樂郊為瀋州治所即今承德縣也

遼史敦睦宮以渤海瀋州戶置

金史瀋州本遼定理府地縣五樂郊按原注云遼置

有渾河當為附郭章義遼廣州渤海屬鐵利府遼濱遼舊州挹婁遼嘗置定理府詳見前雙城遼雙州詳見前



遼東行部誌瀋州在唐時嘗為高麗侵據高宗命李勣東征置安東都護府于平壤城實今之瀋州也唐季為大氏所有

元一統志瀋陽路本挹婁故地渤海建定理府都督瀋定二州領定理平邱巖城慕美安夷瀋水安定保山能利九縣此為瀋州地後罹兵火其定州與縣並廢即瀋州為興遼軍節度金末瀋州復燬於兵火

元史瀋陽路本挹婁故地渤海建定理府都

欽定滿洲源流考

卷十

疆域

督瀋定二州此為瀋州地

明一統志瀋陽中衛在遼東都司北百二十里漢遼東郡地渤海置瀋州

安邊府

新唐書安邊府領安瓊二州按瓊州遼廢無可考

遼史天顯元年二月安邊府節度來朝三月安邊府叛遣阿敦討平之

安州

遼史安州刺史兵事隸北女真兵馬司



元一統志歸仁縣故城在咸平府北舊安州

金皇統三年改為縣後廢城址猶存

按渤海瓊州諸

書皆缺安州可見者亦止此歸仁縣金隸咸平府遼舊隸通州并渤海強師新安二縣地強師屬夫餘府新安或當屬安州其地應在開原邊外又朝鮮平安道有安州則為遼之保州非一地也

松漠紀聞自信州二百九十里至安州南舖

按此為遼上京至燕之程蓋自東北而西南行也

### 率賓府

新唐書率賓故地為率賓府領華益建三州

## 欽定滿洲源流考

### 卷十

疆域

三

按華州無可考當為附郭也

遼史東京率賓府刺史故率賓國地

按遼率賓府在

遼州定理府之間當即渤海舊治

遼史東京康州率賓縣本渤海率賓府地

按康

州屬顯州在渤海為顯德府地當係遷率賓民戶所置非故地也

金史上京率賓

舊訛恤品今改正

路遼時為率賓府

置刺史本率賓故地西北至上京一千五百

七十里東北至呼爾哈

舊作胡里改今改

一千一百

里西南至海蘭

舊作曷懶今改

一千二百里北至邊



界威伊克阿林

舊作幹可阿隣今改

二千里

按恤品即率賓之訛

金史亦作速頻音實相同也以金史道里計之則率賓故府當在今鄂多理城之南威伊克阿林今盛京極東北大山也上無樹木惟生青苔與俄羅斯邊界又明志建州衛東南有率賓河率賓路之名以此

益州

遼史東京益州觀察屬黃龍府

契丹國志宋政和五年金太祖攻遼取賓祥

威三州進薄益州

按鴨綠江一名益州江則益州實與鴨綠江近當在

長白山西南遼改屬黃龍府遼史不言仍渤海之舊或因其名而不必即其故地也

欽定滿洲源流考

卷十

疆域

三

建州

元一統志金上京之南曰建州

明實錄永樂二年置建州衛

按我朝肇興之地即

渤海建州之故壤也遼金元皆有建州並在  
今喀喇沁及土默特境為遼時所移非渤海  
之舊詳見前部族門

東平府

新唐書拂涅故地為東平府領伊蒙沱黑比

五州

按五州可考者惟蒙州餘俱遼時廢

遼史東京遼州本拂涅國城渤海為東平府



唐太宗親征高麗李世勣拔遼城高宗詔程名振蘇定方討高麗至新城大破之皆此地也太祖伐渤海先破東平府遷民實之故東

平府都督伊蒙陀

按陀字與唐書異

黑比五州共領

縣十八皆廢

按志云遼州有遼河羊腸河錐子河蛇山狼山黑山巾子山今

考羊腸河在廣寧縣城東四十五里錐子河在廣寧城東北四十里即珠子河也遼河亦

經廣寧縣東北二百三十里蛇山一在廣寧城東三十里一在東北九十五里狼山在廣

寧城東北二十里今名狼虎山黑山在廣寧城東北八十里又有西黑山在城東北七十

五里大黑山在城東七十里小黑山在城東六十里則渤海之東平府實在今廣寧東北

欽定滿洲源流考

卷十

疆域

无

也遼東平府治遼瀋縣故城在今承德西北

蒙州

遼史祺州

舊訛棋今據金史改

祐聖軍本渤海蒙州地

按遼祺州統慶雲縣以所俘檀州密雲民建為州治所金廢州以慶雲縣隸咸平府元又

廢縣為慶雲驛在今鐵嶺西北五十里

遼史東京紫蒙縣拂涅國置東平府領蒙州

原本脫蒙州明志引遼史有之今據增入

紫蒙縣尋徙遼城并入

黃嶺縣渤海復置紫蒙縣遼因之屬遼陽府

沱州



遼史貴德州本漢襄平縣地有沱河

按沱州無可考

或因沱河得名今附見新唐書亦言  
渭沱湖之鯽為渤海物產之珍也

### 東平寨

遼史尚州本漢襄平縣地渤海置東平寨

金史咸平府銅山縣遼同州本漢襄平縣遼

以東平寨置南有柴河北有清河西有遼河

遼史作尚州與此異考遼志別有尚州此  
東平寨之地當為同州以字相近而誤也

### 懷遠府

新唐書越喜故地為懷遠府領達越懷紀富

## 欽定滿洲源流考

### 卷十

#### 疆域

三

美福邪芝九州

按九州可考者惟富美  
福三州餘俱遼時廢

遼史東京信州本越喜故城渤海置懷遠府

武昌縣本渤海懷福縣地定武縣本渤海豹

山縣地併乳水縣人戶置

金史上京信州本渤海懷遠軍遼開泰七年

建縣一武昌本渤海懷福縣地

按懷遠府當  
在渤海邊界

其所統州為最多可考者惟富美福三州餘  
盡為遼所廢考信州故城在今科爾沁左翼  
東南三百八十里開原邊外金遼志稱自開  
原東北至信州三百十里是也今有古城周  
一里門八土人  
猶呼信州城



富州

遼史東京銀州富國軍本渤海富州太祖以銀冶更名統縣三延津縣本渤海富壽縣境有延津故城更名新興縣本越喜國地渤海置銀冶嘗置銀州永平縣本渤海優富縣地

金史咸平府新興縣遼銀州富國軍本渤海富州熙宗皇統三年廢州更名來屬有范河

柴河遼河詳前靺鞨疆域條按渤海富州治富壽縣遼更富壽為延津更優富為新興金改延津為新興以隸咸平今鐵嶺縣則渤海之富壽遼之延津金之新興也又

欽定滿洲源流考

卷十

疆域

三

有故新興城在鐵嶺治東則渤海之優富遼所置新興縣也又永平廢縣在鐵嶺東北

美州

遼史東京遂州本渤海美州地統縣一山河縣本渤海縣併黑川麓川二縣置

福州

遼史上京福州國舅蕭寧建南征俘漢民居北安平故地在原州北二十里西北至上京七百八十里按原州在顯州東北三百里史雖不言福州仍渤海之舊然以他州道里計之實屬相近其稱各當有自耳



〔胡嶠北行記〕嶠為蕭翰掌書記自翰得罪被鎖嶠與部曲東之福州翰所治也嶠等東行過一山名十三山云此西南去幽州二千里又東行數日過衛州至福州按十三山在今錦縣城東七十里去京師不及二千里嶠蓋約畧之詞衛州當係渭州之訛在顯州東北二百五十里

### 鐵利府

〔新唐書〕鐵利故地為鐵利府領廣汾蒲海義

歸六州案汾海二州無考遼之海州渤海為南海府另列前條非此州也蓋俱係

### 欽定滿洲源流考

### 卷十

疆域

三

遼廢

〔遼史〕東京鐵利府故鐵利國地

### 廣州

〔遼史〕廣州漢屬襄平高麗為當山縣渤海為

鐵利郡太祖遷渤海人居之建鐵利州統和

八年省開泰七年以漢戶置

〔金史〕瀋州章義縣遼舊廣州皇統三年降為

縣來屬有遼河東梁河遼河大口按東梁河即太子河

亦名大梁河明志章義故城在瀋陽中衛西南六十里有章義站



松漠紀聞瀋州六十里至廣州七十里至大口

蒲州

松漠紀聞興州見前四十里至蒲河四十里至

瀋州

元一統志蒲河在瀋陽路源出鐵利國蒲谷

流經蒲水田過故名

按蒲州遼初已廢本鐵利國地自應以蒲河得名

以洪皓所記考之距瀋州四十里今承德縣城西北四十里香爐山蒲河源在焉蒲州

之設亦應在此

疆域

欽定滿洲源流考

卷十

三

義州

遼史上京慶州富義縣本義州太宗遷渤海

義州民於此重熙元年降義豐縣後更名

遼史上京永州義豐縣本鐵利府義州遼兵

破之遷其民於南樓之西北仍名義州重熙

元年廢州改今縣在州西北一百里又嘗改

富義縣屬慶州原誤泰州今改正始末不可具考今

兩存之

按富義義豐當係渤海義州縣名遼徙其民分屬慶永二州非渤海故地

金史義州崇義軍遼宜州天德三年更名按遼



史宜州崇義軍屬中京東丹王每秋畋于此  
興宗以定州俘戶置與錦州相次實今義州  
地前所載富義義豐兩縣既云遷義州民于  
此雖仍舊名明非故地乃又云本渤海義州  
此自相矛盾也合遼金兩史考之似渤海義  
州之民分徙兩縣故地已空興宗時方以定  
州俘戶實之以義為  
宜金時始更正耳

**元史**大寧路有義州

**明一統志**義州衛遼宜州金改為義州治宏

政縣元省縣州屬大寧路洪武二十二年置

衛按金元明之義州即今義州地在遼為宜州俱未言渤海之舊然考遼史實係東丹

王分地為每歲秋畋之所則實係渤海故壤  
宜與義或因音同而字異金朝改宜為義正

欽定滿洲源流考

卷十

疆域

三

非漫然耳又今義州城西南五十里有古饒  
慶縣城遼金並無此縣名金義州所屬但有  
饒慶鎮或即渤海舊  
縣而金廢為鎮歟

歸州

**遼史**東京歸州太祖平渤海以降戶置後廢

統和二十九年伐高麗以所俘渤海戶復置

縣一歸勝

安遠府

**新唐書**安遠府領寧郡慕常四州按寧州慕州俱近朝

鮮常州屬朝鮮平安道之定遠府郡州疑即平安道之買州考元史東寧路本高麗平壤



城所屬有定遠府至元六年來歸或即安遠府之地而稍易其名也

寧州

遼史東京寧州觀察統和二十九年伐高麗

以渤海降戶置兵事隸東京統軍司統縣一

新安

慕州

遼史東京慕州本渤海安遠府地故縣二慕

化崇平久廢戶二百隸涿州在西北二百里

按遼慕州移屬涿州鴨綠軍則安遠一府固與今高麗相近又考一統志朝鮮平安道有

欽定滿洲源流考

卷十

疆域

三五

定遠府有常州當即仍渤海之舊又有買州字義無取疑即郿音之訛也

郿銅涑三州

新唐書郿銅涑三州為獨奏州

按通考文與此同獨奏之

義當猶今直隸州不轄於府而事得專達也

遼史東京郿州渤海置

遼史銅州廣利軍渤海置統縣一析木縣渤

海為花山縣初隸東京後來屬

按金史金廢銅州以析木

縣隸澄州

遼史咸州安東軍本高麗銅山縣地渤海置



銅山郡地在漢侯城縣北渤海龍泉府南開

泰八年置州統縣一咸平縣唐安東都護治

營平二州間卽此

按渤海諸州間有支郡之稱如盧州之稱杉盧郡定

州之稱安定郡是也此銅山郡亦當爲銅州所分治遼析爲二州所云在營平間者爲得其實至云在龍泉府南則約畧之詞耳至金之銅山縣雖屬咸平府然在遼爲同州鎮安軍名同而地異亦相附近也

金史咸平府本高麗銅山縣地遼爲咸州

遼東行部志咸平本渤海地契丹改爲咸州

金爲咸平府

欽定滿洲源流考

卷十

疆域

三

元一統志銅山郡故城在咸平府南

元史咸平府古朝鮮地箕子所封漢屬樂浪

郡後高麗有其地唐置安東都護以統之繼

爲渤海大氏所據遼平渤海以其地多險隘

建城以居流民號咸州金升咸平府元初因

之隸開元路後復割出隸遼東宣慰司

通考涑州以其近涑沫江蓋所謂粟末水也

遼史東京涑州渤海置

蓋州



遼史辰州本高麗蓋牟城唐太宗會李世勣

攻破蓋牟城卽此渤海改爲蓋州又改辰州

以辰韓另條得名統縣一建安按以下四州皆在唐書通

考所載六十州之外今並附於此蓋牟亦稱

蓋曷牟金仍改蓋州統縣四湯池卽遼鐵州

秀巖卽今岫巖熊岳卽遼盧州熊岳縣並金

時廢州來屬惟建安尚仍遼舊至元時併湯

池熊岳入建安又省建安入蓋州初爲蓋州

路後併入遼陽路卽今蓋平縣也又熊岳城

在蓋州南六十里有熊岳山熊岳河

### 崇州

遼史崇州本漢長岑縣地渤海置州故縣三

### 欽定滿洲源流考

### 卷十

### 疆域

三

崇山瀉水綠城皆廢戶五百在京東北一百

五十里按渤海州名有榮州無崇州榮爲中

京所屬與湯興二州相次今遼史以

崇州次於湯興之後而東京所屬別有榮州

又不載其沿革疑崇字卽榮字之訛而榮州

又復出也

遼史貴德州貴德縣本漢襄平縣渤海爲崇

山縣奉德縣本渤海緣按此又作城縣地按

史貴德縣有范河見前定理府注

### 集州

遼史集州古陴離郡地漢屬險瀆縣高麗爲



霜巖縣渤海置州統縣一奉集縣渤海置按

集廢縣在今撫  
順城南八十里

〔金史〕貴德州奉集縣遼集州奉集縣本渤海

舊縣有渾河

### 麓州

遼史麓州渤海置按唐書通考渤海無此州  
名遼史載其名而不詳其

地又遼乾州所屬之司農縣本渤海麓郡縣  
併麓波雲川二縣入焉亦未詳渤海所隸之  
州今附於此乾州為漢無慮縣地因醫巫閭  
得名或麓州麓郡亦因附北鎮之麓而名歟  
謹按渤海五京五府之外為長嶺等十府長

## 欽定滿洲源流考

### 卷十

疆域

三

嶺在吉林西南夫餘府在開原鄭頡在開原  
邊外科爾沁界定理府在鐵嶺以南承德界  
安邊府亦在開原邊外率賓府與

### 本朝

發祥之鄂多理城相近東平府在廣寧東北懷遠府  
在鐵嶺鐵利府濱太子河安遠府在高麗界  
其後所屬之州半為遼時廢併而因革可溯  
者尚多又有郢銅凍三州不隸於府合之十  
五府所屬共為州六十與所稱六十二州之



數不符考之遼史則又別出蓋崇集麓四州  
唐書通考皆未之載與六十二州之數亦不  
合今以地理考之蓋集二州與顯德府屬之  
鐵州盧州相近當時或間有省併而史不能  
詳崇州疑卽榮州以字形相近而訛麓州則  
史文殊畧今附列於諸州之後而支郡之可  
考者亦各附於本條至若古今沿革及山川  
道里有足證據臚注於下凡史文舛誤及名  
同而地異者並加訂正用資參考云

欽定滿洲源流考

卷十

疆域

三

欽定滿洲源流卷十